

已編上

耆社志
下

耆社志卷十目

已編上

雲漢天章

附廣詩
相和詩



白
論
上

雪
天
寒

初
冬
時
節

養
正
志
意
日

耆社志卷十

豐山 洪敬謨 編

已編一

雲漢天章

附廣詩

昔我 肅廟 英宗兩聖朝寶筭靈長相繼
入耆社頻召耆臣錫宴而寵之宣醞而樂之
黃髮皤背輝映樽俎于時也 天笑為新
君臣相悅乃賚 雲章乃侈 寶墨又 命
耆臣相屬和之上下獻酬風雲鵲苑遂使一
堂之上為壽域為華胥之國雖鍾鼓不陳舞

蹈不設無辯之樂自行於湛露之席至于今
百年之間令人低昂感頌猶可以想像當日
之氣象而宛然如合堂同陞也粵我 正廟
朝亦嘗命耆社而考績紀人瑞而編書及夫
耆臣之進箋也引于庭而接見以至若子若
孫之并許隨入宣饌賜詩又使廣和此誠以
尊年之義善繼乎 兩聖朝優老之盛意也
夫扶杖之歌不登於策何以考包羲氏壽臣
民之化喜起之詩不載於書何以徵虞舜氏
壽臣民之治也乃敢撰次 三朝御製及廣

詩合而為編如湛露天保之各備一什相為表裏也

肅宗朝御製

親臨景賢堂耆老諸臣錫宴日作四月

不覺吾年及六旬親叅耆社舊章遵強病升殿羣官集作樂行醪十老臻鑄字金盃光似玉插花烏帽鬢如銀斯筵本出尊高意滿酌何妨到手頻

恭惟我先大王於去年己亥遵太祖大王

故事入耆老所以四月十八日燕耆老諸臣於

景德宮之景賢堂特賜銀盃以寵之及今

仙馭上賓之後 慈聖命下 先大王御製于
朝其中有此一律臣等奉讀悲咽遂敢以繡板
揭諸耆社壁上以寓弓劍之慟庚子九月 日
行司直臣申鉉謹書

宴耆老諸臣詩

并序

耆老諸臣宴集之日——特命賜樂又賜香醞十瓶肴
果七種所以侈宴需而示惠養之意也

耆府國初設壁題

御墨新綺逕開水部令節

九月九日

會嘉賓絃管梨園出肴醪禁掖臻恩推優老至制倣
洛中遵

英宗朝御製

入耆社日作

甲子九月

倣大風歌秋風辭而作是衛武抑戒之意

列聖仁芳普八方國有主
壽芳固我邦一心調劑
垂元良

廣詩

祝 聖壽芳徽四方心法
貽燕芳羣天邦壽儀
斯舉芳賀辰良

輔國榮祿大夫行知中樞府事

臣

申思詰

倚壽域芳惟東方趾美
耆牒芳慶滿邦 駕臨

靈閣兮辰又良

崇祿大夫行龍驤衛副司直

臣尹陽來

耆社開兮歡四方
三聖繼入兮壽吾邦
景福綿後兮一人良

正憲大夫知中樞府事

臣李震箕

三五化兮施無方
百福如茨兮藹盈邦
何以致之兮迪慈良

正憲大夫知中樞府事

臣鄭壽期

聖人作兮吾東方
熙熙壽域兮躋一邦
千秋萬歲兮慶明良

正憲大夫工曹判書臣李聖龍

壽星爛兮在東方 聖恩神永兮新舊邦於月

親見兮願為良

正憲大夫行龍驤衛副司直臣趙速命

入耆社翌日景賢堂宣醞耆耆諸臣聯句

故事追行廿六年今辰何幸耆英筵御製

親題寶牒承 先軌頒示 雲章微抑篇臣思

綺饌聯翩宮豎進香醪瀲灩法尊宣臣陽古今

盛事同符矣上下歡心共藹然臣震雲遠玉墀

魚藻合夜深銀燭和麝連臣壽一堂賦會知何

夕千載殊榮荷自天臣聖曠世徽規 二聖後

九秋佳氣五雲暈臣明新休已配 先朝盛流

慶仍垂 貳極臣光宸翰增輝 靈閣上

舊臣霑解御床前臣聖已成 聖代傳家事邦

慶從今世世綿臣元

耆臣申思詰尹陽來李震箕鄭壽期李聖龍

職銜並右丞臣趙明履假汪嵩玄光守兼春

見上秋南彥或極臣鄭元淳廣進

東朝進宴日 御製樂章

瞻彼寶閣兮受几杖來奉權長樂兮禮筵大開頌祝

岡陵方獻萬壽盃

知中樞金鏤肅謝日引見書賜

我朝三百年来也今卿父子半予我特命陞超意有
在耆府宜謝朱門開

召見耆臣

丁卯五月

瞻拜閣前受几杖到今倏忽三秋来追惟甲子此心
切已邁光陰何以回

甲戌元朝

太廟

真殿展謁

靈壽閣

觴

祥宮展拜後述懷

嗚呼今年是何年予之信心即甲戌嗚呼今年是何

年毛詩蓼莪又三復嗚呼今年是何年
追惟生我愴深切嗚呼今年是何年
追惟鞠我懷難抑朝者璫源雖先展
誠淺莫聞聲歎息太廟真殿徒行禮
只自嗚咽蒼梧色靈壽叙帖手目記
毓祥宮東親奠酌嗚呼今年是何年
愴感之中禮皆畢嗚呼今年是何年
夙宵一心在辛丑嗚呼今年是何年
此心其固若金石嗚呼今年是何年
昭昭臨予蒼蒼質

面賜耆府諸耆

庚辰正月

耆社諸臣全見月臺追憶昔日一倍予心
壽星照府千載勝會

面賜奉朝賀洪重徵

昔於癸巳卿父畿伯于今庚辰耆社入侍幾年之間
蒼顏皓髯特允其懇宜謝朝請

召見耆社諸臣

壬午正月

料外此年召見耆臣一堂君臣六七八十昔年黑髮
今皆白首與懷一倍何以寫懷畧賜其饌仍命勿謝
壬午孟春

面賜耆臣

二月

近七具君召見老臣只見兩人予心興感以書代饌
仍命勿謝

靈壽閣召見耆社諸臣

上駐輦閣前書下御製一句召知事朴致

和俞啟基賡進仍命耆社諸臣以同韻聯

成以入而其中有疊韻者請令釐改上以

老人事特命置之

耆英閣前七旬君臣御製

不顯其光八域同春臣致和鮑背鶴髮祝岡惟均

基軍祖烈適追先矩式遵臣拓基黃童白叟

共祝聖人臣詰輔月正元日萬品咸新臣有龍西

樓煙月歌詠昌辰臣鼎輔慶耳吾東景命方申臣命

彬閣奉三帖戶衛百神復臣亨熙熙壽域萬物皆

春臣師熙熙壽域其命維新臣昌慶溢宗社

喜登臣隣臣相

領中樞府事致仕奉朝賀俞振基行知中樞

府事致仕奉朝賀李詒輔行知中樞府事魚

有龍行判中樞府事李鼎輔判敦寧府事徐

命彬判敦寧府事鄭亨復行知中樞府事朴

致和判敦寧府事韓師得行龍驤衛副司直

宋昌明知中樞府事俞家基知中樞府事金

相奭廣進

景賢堂台見耆社諸臣聯句 癸未

一堂耆英憶昔懷切 御製

效茂絲毫愧甚忝竊 臣拓基 恭瞻 御真一倍噴

越 臣詰 壽曜增輝瑞日動色 臣鼎輔 隨諸臣後仰

伸華祝 臣有龍 穆穆威德仰覩繪日 臣命彬 摸画璫

妙靡夷戛駸 臣亨復 元朝稱慶趾美盛烈 臣師羹得

牆之慕魚水之樂 臣致和 千載奇會重逢今夕 臣昌

明廣載重續仰祝 聖渥 臣冢基

行大射禮書賜耆臣 甲申二月

耆耆會射君臣陞八彤弓彤矢天命藏本社

試財者臣

大匡輔國崇祿大夫領中樞府事致仕奉朝
賀俞拓基

輔國崇祿大夫行中樞府事致仕奉朝賀
李詰輔

崇政大夫行龍驤衛副司直鄭亨復

正憲大夫知中樞府事俞取基

資憲大夫知中樞府事兼京畿觀察使都巡

察使沈星鎮

資憲大夫知中樞府事李恭和

祇拜靈閣書示耆臣揭于壁

已丑五月

今憶昨年來 寶閣香山九老一庭中

廣詩

祇擎雲翰瞻靈閣幸廁微蹤九老中

行知中樞府事

臣李益炆

親傳香祝拜靈閣追遠宸情展此中

行知中樞府事

臣鄭亨復

恭拊寶藻瞻靈閣濟頌堯天日正中

行知中樞府事

臣南恭濟

慈籠佳氣擁靈閣化日初長壽域中

行副司直

臣沈星鎮

聖慕何伸拜

壽閣欣瞻

八彩日方中

行副司直

臣金始煥

昭回

寶彩著英閣薰殿廣歌壽域中

工曹判書

臣李吉輔

羹牆

聖慕寓茲閣海屋籌添化日中

行副司直

臣李光溥

連年陪扈瞻

靈閣鼓舞羣生

聖化中

行副司直

臣李之億

清鑒是日臨

靈閣東望

君臣懷慕中

行副司直 臣 安允行

命耆老民讌于本社遣承旨宣醢書賜耆社令
一堂繕寫揭

昔聞香山已有九老今日耆社二人加焉南星照堂
一何多也承宣宣醢諸耆皆歡閤也主人皆白今李
書示寫揭流傳勝事

皇明崇禎紀元後三己丑即阡四十五年七十六
歲特題

廣詩

維歲己丑我 聖上賓壽為七十有六二月戊

寅 文孫率百僚上壽于大庭蓋曠世稱禮也
翌月戊子 上命耆老諸臣會謚于本社遣承
旨宣醢又賜詩賜帛亦希代寵典也臣雖已告
老名忝耆列叨忝盛筵不勝懽抃頌祝之忱敢
用 聖製首句老字為韻恭賦四言一章以續
虞廷賡歌之遺音詩曰

公堂稱爵燕及國老何以寵之有爛奎藻維醕
芳旨維篚纖縞耆臣百拜歌以天保各獻爾年
於萬壽考臣敢曰老大恩未報

崇政大夫前任大提學致仕奉朝賀臣南有

容

周堂稱壽洛社讌老錫以餘歡寵以雲藻既醉
以酒承筐是好耆臣曰都樂是恩造臣今老髦
曷其有報川至月恒萬年是保

輔國崇祿大夫行中樞府事

臣

李益炆

后配于周政維養老曰予耆臣式燕且好寵以
筐實申以奎藻臣拜稽首于何以報於樂萬年
百祿是保如日之中如天之燾

輔國崇祿大夫行中樞府事

臣

南恭濟

堂高日舒十一耆老恩需需雲運際熙皞雙擎

筵實九頓 宸藻雁違法筵榮絕評詰臣敢不
飽 聖渥蕩浩扶醉以歸烟月杳冥

崇政大分行龍驤衛副司直臣尹鳳五

王受斗酌餘澤佚老曰我黃耆西樓燕好既醉
瓊液無數纖縞爛然奎章拱壁之寶載獻華祝
齊慶天保頌德颺美拜答洪造

正憲大分行龍驤衛副司直臣沈星鎮

后謚于宮及我耄老西樓孔帛色動奎藻綺饌
雪帛爛其盈道樂酒今夕以頌以禱 君子萬
年遐不壽考臣拜廣韻用答洪造

正憲大夫行龍驤衛副司直臣金始燦

幸哉吾儕 聖世生老進瞻盛光庶鳴魚藻退
承殊錫法醞鐵錫誰不陪謨偏我洪造俯稽皓
首仰祝蒼昊昭回之軸永世是寶

正憲大夫知中樞府事臣李吉輔

天眷吾王永錫難老躋我壽域咸沐洪造翼
我西樓爰命宴好有燁雲章有燦篚錫既

醉既飽載舞載蹈祝聖萬年帝祿是保

正憲大夫行龍驤衛副司直臣李光溥

吾東聖作誕膺天老宮筵錫爵社席謙好爰

頌 寶墨特賜綿襖如臣魯葵共沐洪造耆耆
飽德樂此熙皞將何仰答萬壽祺禱

資憲大夫行龍驤衛副司直 臣李之億

洪惟 聖德惠養耆老錫宴于社誕宣瓊藻祈
以法醞寵以纖縞曠世恩榮此生何報厚地悠
久高天覆燾齊壽無疆拜稽而禱

資憲大夫行龍驤衛副司直 臣安允行

書示諸耆耆

卿等皆嶽若臨設見獻其一盤仰瞻 寶閣

此府朝鮮賜卿等帛一匹

集慶堂召見耆老臣七人以御筆書賜

壬辰正月

黃髮一堂應七星今辰此會豈徒然

廣詩

誠拱北辰如眾星仰瞻雲日舉欣然

行知中樞府事

臣南恭濟

集慶堂中曜壽星耆臣今日舉欣然

行判敦寧府事

臣李益炆

南極仙班隨六星塵蹤如躡九天然

知中樞府事

臣俞彥述

黼座雲開煥壽星耆臣騰祝共懽然

行龍驤衛司直臣安允行

聖朝光曜老人星沐浴恩波感自然

知中樞府事臣沈叡

耆臣七人鬢髮星生逢聖世舉欣然

行龍驤衛司直臣沈星鎮

一席風雲耀壽星七耆冰台會耀然

行龍驤衛司直臣邊致明

耆社進饌日書示諸耆臣

香山九老今何八三日與今千萬康

王世孫

星垂南極瞻嘉會
杯進西樓祝聖康

賡詩

西樓幸傳周筵秩
北斗高斟衛爵康

議政府左議政臣韓翼謩

耆司獻壽耆臣八
聖駕親臨聖體康

行司直臣安允行

西樓進酌耆臣八
貳極呼嵩聖體康

行副司直臣沈星鎮

山呼千歲耆觥八
各獻其年祝萬康

行副司直臣金始煥

西樓獻酌耆臣八爭祝吾王萬歲康

副司直臣邊致明

群耆共圍春臺樂萬歲惟祈聖體康

行司直臣趙榮進

聖孝深深壽躋八羣情咸祝萬年康

知中樞臣高夢聖

耆筵幸觀三呼禮玉候欣瞻萬歲康

副司直臣李光溥

耆臣獻酌管音喜春日凝鑒聖體康

兵曹判書臣李景祐

羣工陪宴迎仙樂八老稱觥祝 聖康

兵曹叅判臣尹得雨

星耀虞廷多皓髮天臨耆社祝平康

副摠管臣尹東晷

作人聖化今尤驗進爵群英亦壽康

行承政院都承旨臣金龜柱

耆英一席金觥壽靈樹千年 玉色康

承政院左承旨臣任希教

八耆奉爵君臣樂萬姓呼嵩天地康

承政院右承旨臣沈頤之

蒼蒼顏髮三朝老穆穆山龍五福康

承政院左副承旨臣安無濟

五司分日誠斯摯八老呼嵩祝愈康

承政院右副承旨臣徐有隣

恩推耆老仍時雨禮展靈春仰色康

承政院同副承旨臣林鼎遠

需雲幸值千年會進酌齊呼萬壽康

兵曹叅判臣沈履之

春開壽域多黃髮靈曜先從聖體康

侍講院兼文學臣金普淳

蒼顏宛是虞庭八共祝君王萬歲康

兵曹正郎臣許錄

聯翩黃髮陪鑾駕爭頌君臣一體康

兵曹佐郎臣李衡弼

堯會文明十一運箕疇壽福第三康

兵曹佐郎臣趙貞相

翠華臨閣添追慕黃髮登筵頌壽康

侍講院說書臣朴相甲

天南老宿映金盞拱北深誠祝壽康

承政院注書臣李鼎揆

靈閣歡呈三秀草金觥敬祝萬年康

承政院假注書臣金孝真

天顏難老常春色黃髮霑恩又日康

藝文館檢閱臣申禹相

風雲一席耆英會辰極千春壽考康

藝文館檢閱臣李正薰

十月行耆耆講於慶賢堂書下

耆耆同會芳傳美萬千何敢宴儀芳遐慕乎先予心
金石芳可守億年

王世孫

聖德彌邵兮受祿維千黃耇陪講兮有光古先願
揚聖德兮於樂永年

賡詩

天地佑德兮維萬維千光應顯號兮邇遐古先
金透石初兮願在是年

領議政臣韓翼謩

聖壽愈隆兮於萬於千邦慶無疆兮曷弗追先
羣情難遏兮日亦抵年

行判中樞府事臣金尚誥

大德得壽兮禮宜呼千舊甲方屆兮孝當遵先

上雖執謙兮慶豈逾年

行司直臣安允行

聖孝出天兮垂世百千臣民顙望兮邦慶追先
遙舉縉儀兮祝 聖萬年

行副司直臣沈星鎮

景賢堂中兮祝堯於千社耆濟濟兮慶願遵先
八域同情兮毋踰斯年

行司直臣邊致明

一堂都俞兮不知隔千德配唐虞兮事曠古先
微臣講罷兮敢祝堯年

禮曹判書臣沈 穀

聖筭彌高兮於萬於千光被八域兮咸仰繼先
今日祝願兮何待明年

刑曹判書臣趙榮進

聖壽無疆兮萬萬千千禮成辰良兮孝宜迨先
一域同願兮何待明年

行司直臣高夢聖

天祚我東兮邦籙綿千無遏羣忱兮益光紹先
同耆耆祝兮願莫踰年

行承政院都承旨臣李 桂

八域同春兮 聖筭祝千九耆一堂兮事光于
先羣情宜循兮何待明年

承政院左承旨臣李宅鎮

天佑一德兮海籌三千九老作朋兮曰有後先
式昭前休兮維癸其年

承政院注書臣鄭元始

風雲一堂兮際以於千預度羣情兮譙以慕先
誠透于金兮慶不逾年

承政院假注書臣金重燮

如南山壽兮斯年於千譙譙 聖德兮光于古

先羣情未伸兮一日如年

藝文館奉教臣柳雲羽

聖躬康寧兮崗祝維千耆耆滿堂兮事光古先
一心請賀兮莫待來年

藝文館檢閱臣柳榮鎮

癸巳閏三月行養老宴又宣醞于耆社書示諸
耆老

丁卯兩年同耆社今辰此日予懷萬

賁詩

是日歡群耆老社吾王壽祿千斯萬

行判中樞府事臣韓翼謦

宣醞醉飽樂英社天保歌詩祝億萬

行判敦寧府事臣李益炆

彤庭見譙又耆社天保歌群更祝萬

行知中樞府事臣南泰齊

賜宴昕庭又許社見頌仙樂出常萬

行副司直臣沈鼓

法醪灑灑頌耆社天樂轟轟和舞萬

行知中樞府事臣沈星鎮

十九耆臣同一社恭瞻寶牒祝年萬

奉朝賀臣南有容

兩宴餘恩又此社昔年追慕感千萬

行司直臣邊致明

白天法樂動耆社大醉齊呼 聖壽萬

奉朝賀臣金始燭

十九耆臣同一社八旬 聖壽祝千萬

行司直臣趙榮進

天恩猥被忝耆社請祝無疆 聖壽萬

副司直臣高夢聖

厭厭醉飽耆英社北斗南山 聖壽萬

行司直臣俞彥述

恩波洋溢耆英社瞻望楓宸祝萬萬

行知中樞府事臣安鼎

王命耆臣饒于社賡歌盛事傳之萬

行司直臣洪晟

聖恩敢忘同耆社拜獻南山壽萬萬

行知中樞府事臣辛受采

善養恩沾幾耆社於休聖德垂千萬

行司直臣具善復

伏誅○此以下登進諸臣

聖德尊年宴耆社太平歌頌祝於萬

行副司直臣李章吾

尊年見禮及耆社蹈舞羣英獻壽萬

兵曹判書臣具允鉉

超資許入耆英社優老見榮迺出萬

承政院右承旨臣徐有文

見從雨露耆社壽似商陵獻億萬

兵曹佐郎臣柳榮鎮

尊年 聖德慶宗社勝昔 天顏祝億萬

承政院注書臣尹在醇

擢資榮寵耀鄉社優老見光垂億萬

藝文館檢閱臣林著誌

莫道香山與洛社春風壽域頌於萬

藝文館檢閱臣李昌漢

八耆社記

予即祚二十年甲子九月初九日年五十一歲效司
馬光故事延踵已亥八耆社之盛舉詣 靈壽閣以
冀善冠袞袍先拜閣閣前受几與杖櫪內敬依昔
年仍親書尊號與某年月日第一張即 聖祖尊號
與八耆社年月第二張即 聖考尊號與八耆社年
月此我 皇兄於興政堂侍坐親書者而其時仰承

欲為親書而在靜攝中代寫之 教故予則體 先
志於茅三張其敢親書嗚呼懷允萬意蓋 御牒既
奉 靈壽閣不敢以今予建書奉來於闕中故躬詣
寶閣受几杖而書 御帖寔由於此已亥跌文故相
李觀命以文任製進判書閔鎮厚奉教書故予則不
敢疊錄小趺親製親寫作為一卷同藏于寶牒櫃中
今者文獻備考中當錄故呼寫以付此誠一字百涉
伊時事實不過如斯而已嗚呼初受几杖于寶閣後
回詣長樂殿奏我 慈聖又於六七十時皆拜
靈壽閣親記於小趺帖子中矣同年十月不敢泯昔

年盛事受宴於崇政殿奉觴於光明殿時親製歌詞
令二女伶唱焉其詞曰瞻拜寶閣方受几杖來奉歡
長樂方禮筵大開頌祝岡陵方獻萬壽杯此體效荷
室恩三章而作本三章載於樂考矣歲庚寅親記入
耆社顛末命編輯之臣入錄於文獻備考

耆社帖序

嗚呼千千萬萬料表今逢八旬追遵三百年故事為
養老宴其後復宣醕於耆社仍為賜樂矣因其進箋
召見便殿賜饌賡韻有下教昨見所進令承旨讀奏
初則效蘭亭故事此則依然若耆社諸臣生謚狀也

此事漢唐以後豈有既進於予次進冲子耆社諸臣
十六人應製受賜三人不叅一體卽給嗚呼李廷詰
何以有此命乙亥生故也嗚呼丁卯生同入予謂稀
貴況此人乎其下教雖待叙用先計於二十中亦為
卽給嗚呼昨今年以後允事皆太康卽此一事其亦
太康雖然甲戌己亥兩朝盛事後予年五十一效
司馬光耆莫故事靈壽閣受几杖入耆社嗚呼此
時六十杳然問荅亦諭七十曰以異常今則八旬有
此舉若不令諭後世何知略諭其槩弁于卷首令入
侍耆堂李益炏書跋噫榜目猶活卽況此乎並與序

跋而活印一件內入一件入于冲子耆社諸臣各賜一件皆令世傳

領府事金在魯像贊

丙子

昔年緋玉逮事 西聖至于嗣服并載台鼎于今食效功在鹽梅何以標式銘庸識哉

今因書示承旨忽惟頃年都監時見卿画像今又命耆社圖寫故特賜教句卿湏書諸綃面領予此意

甲子入社時耆臣致綃文

丙子

丙子八月召見耆社諸臣乃有致綃之命親

製文以下

頃於甲子入耆社焉予今退惟一十三年華過靈
壽興懷深切台見諸臣予心惟昔取觀日記入叅五
臣吁嗟四耆已作古人雖欲同宣九原難作想像當
時況焉如昨銀壺在社事則夢然覽其筵話若卿侍
前何以寫懷禮官替酌惟靈豈昧庶幾來格

奉朝賀金在魯致侑文

庚辰

庚辰十月台見耆社盟府諸臣乃有致侑之
命親製文以下遣承旨致祭

嗟呼惟卿已作古人欲臨不能追思愴新吁嗟頃年

同侍齋室特賜御醢况然若昨今逢此歲意欲訖恩
召見月臺七老一魚卿獨不忝九原難作觸事興惟
予心深切何以寫懷承宣替酌靈若有知庶幾歌格
著社諸臣召見日綸音

頃於甲子予年五十一其欲追踵故事入著社而意
亦在焉豈意已過入著社之年又三載乎哉誠萬萬
夢想之外且今歲踰半秋謂而迴一倍追慕之誦聲
過靈壽閣難耐此心其命入侍於著社諸臣矣我
慈聖聞之特賜饌今者此舉一則揄揚昔年盛事一
則今年幸值慈聖寶筭七旬之年兼祝岡陵之意

故引見之處即真殿門外齋室也入叅者臣不過
六員而其一即領府事金在魯昔日位至銤玉予嗣
服後輔相二十餘年贊我調劑之政者也五人中前
判書洪重徵即昔年重臣洪萬朝之子其父乃常訓
所云己亥錫宴時隱憂下問以卿等來否者也前判
尹魚有龍前判書柳復明即昔日從班予嗣服後甲
戌年入者所者前判書李重庚鄭身復皆予嗣服後
登科而入者社者也噫三十年之間昔日之耆舊之
臣已作古人雖有存者今日亦不與焉心甚愴然而
判府事俞振基以昔年玉署之臣年至望七判府事

李宗城即古奉朝賀李台佐之子而奉朝賀以昔日
宰列予嗣服後八年輔相十一年耆社之臣而判府
事年亦望七故特命同為八侍此雖由於追慕昔日
眷遇耆舊之意而上奉 東朝今年至有賜饌之威
事此實廷謀所無耆歡慶之心一倍于中而瞻仰
真殿南門莫攀之懷交切于心而因此復以如密如
陵之筭祝我 慈聖仍記其際令耆社大臣書揭于
耆英館甲子八耆社時耆社入叅諸臣祭文親擬以
下遣禮官致祭在世耆舊重臣今日不入侍耆社臣
特賜餘饌在外人令小道食物從厚輸送挈矩之道

傳既云勿論宗親文蔭武宰列以上年八十者其令
京外食物存問示予尊年之意歲 皇朝崇禎三丙
子孟秋初五日記

興懷台耆社諸堂仍召盟府親勲臣之子記志
噫為國事悶日候心氣日耗有何夢見周公之誠而
再昨夜侍 側恍若昔年昨夜於 靈壽閣近拜扶
上夢覺心懷難抑而追憶頃年齋室我 慈聖賜饌
耆舊臣之事此何異於古宣仁之社飯追慕益切噫
當啟漢明之上陵宜拜 靈壽閣而因日寒為軍兵
莫能若意心不能耐特名耆社諸臣噫予之至于今

夜此夢寔賴於戊申諸勲臣功存社稷之致仍召帶
礪勲臣及其子惜乎頃者入侍大臣奉朝賀俞振基
方在耆社而適有身恙不與盟府親功臣今有仁乎
而亦年老而不參耆社多負惟奉朝賀李誥輔行司
直鄭亨復俞寔基勲臣則仁平之子李景祐重祐章
祐其孫翰林在簡完春之子完恩君李殷春海恩之
子吳彥耆靈城之子朴久崇彥城之子金麟瑞同見
于景賢堂噫此堂何堂即己亥年錫宴耆社臣之處
也觸事興懷尤何堪抑其宜賜饌而方在減膳之中
故只饋糲而叙懷焉歲庚辰冬十月十八日識仍命

入侍耆社首堂書揭於耆英館

耆舊諸臣行賓財禮錄音

二月

噫昨年予年踰踵國初 聖笑今年誠即國初入耆
社之年噫甲子效司馬光耆英故事入耆老所承
慈教勉強受宴亦不張大因以其膳其樂賜宴耆社
此仰述已亥故事也千千萬萬夢想之外逢昨年勉
強受賀於勤政舊基歲初因行耆老科一則建慕國
初一則仰述癸巳前例一則欲述丙子舊禮也吁嗟
今年百慕叢集雖望拜展謁拜 靈壽閣此則常年
亦行者何以仰述來頭庭試建慕異焉噫與文臣年

七十以上共入耆社以千乘之尊君臣一社此往牒
所無今年若無揄揚之事盛烈將泯於來世無例耆
社尊年初行况已有例者乎雖然予意凡事不欲張
大同年延慕一也靜中有思夜夢輿感名永宣而呼
寯睡覺未果何以寫懷初九日忠良科庭試日先為
懸題仍與宗親文武二品以上年七十人行耆舊大
射禮後當行武庭試噫今予以幘代耆龜一以占望
八之年氣之衰不衰一以占鄒書中反求諸已之訓
體不體而吁嗟國初盛事使不泯乎來世之意也昨
冬增廣唱榜行於初業舊基今年耆舊大射禮將行

於中興舊闕亦豈偶然也哉追慕深切矣

按英廟入社後頗引耆臣輒宣以法醢又下
御製而賡之殆無虛月而御製多不載於集
中亦無藏置於本社闕而未錄者亦多惟望後
人之追補云爾

正宗朝御製

耆社考績日詩以寵之

并序
癸丑

記昔我先大王嘗於考績之月會耆社諸臣于便殿書下殿東等第臨虛壽閣祇拜西聖寶牒諸耆臣進饌饌用粥各品禮成賜御詩以粥字命韻命小子及與筵者廣和後二十年癸丑冬元輔而大臣在耆社皆逮事先朝之人也起感於盛事俾於耆社考績如式度支供煖乾之需是日之會議政府領議政洪樂性年七十六領中樞府事原任議政府領議政蔡濟恭年七十四綾恩君具允明年八十三

行判中樞府事兼水原府留守李命植年七十四前
兵曹判書洪櫓年七十二判敦寧府事任希曾年八
十一藝文館提學洪良浩年七十知中樞府事尹坊
年七十六工曹判書邊得讓年七十一議政府右叅
贊洪秀輔年七十一前兵曹判書金尚集年七十一
前禮曹判書趙瑛年七十四前刑曹判書鄭存中年
七十三知敦寧府事宋濟魯年八十三羣老之年統
計為一千四十有九歲詩以寵之兼寓祈祝之情予
即作之十八年癸丑臘月詩曰

善養衛歟憶 丙朝茲年述事又頒粥我家祈永於

千秋錫福由來在歛福

廣詩

耆筵既飽 聖君恩珍饌初頒
盤有粥白頭齊
獻華封祈萬歲吾王同百福

大匡輔國崇祿大夫議政府領議政
臣洪燮
性

吾王養老遵先王溫以貂紬飽以粥
殿

宮壽耀分耆英東國君臣都是福

大匡輔國崇祿大夫領中樞府事
臣蔡濟恭

述事覃恩軫飽溫紬皮兩品又三粥一千五十

羣耆年請祝 聖人文子福

輔國崇祿大夫綾恩君 臣具光明

繼述 三朝賁太平恩頻比日侈羹粥小臣職

是華封人請祝吾 王總百福

崇祿大夫行水原府留守 臣李命植

光階化溢康衢樽周鼎恩霑正考粥拜獻一千

五十齡願添 宸極無疆福

崇祿大夫行龍驤衛司直 臣洪良浩

先朝癸巳獲陪宴宣意茲筵當此粥千五十年

諸老壽獻吾 元子祝遐福

崇祿大夫行龍驤衛司直

臣洪欽

先朝盛事更于今著社恩頒特是粥白髮蒼顏
齊拜稽顙天舜日祝諸福

崇政大夫判敦寧府事

臣任希甫

兩朝惠養又今朝三粥恩頒宛昔粥幸際 聖
神相繼休籌千五十獻遐福

崇政大夫行工曹判書

臣邊得讓

述 先 衣藻尚高年紹帛恩兼舊賜粥十四

臣齡千有餘一時齊獻 聖人福

崇政大夫行議政府左叅贊

臣洪秀輔

西樓故事又今朝煖以貂紩飽以粥飲此一千
五十籌獻為吾君無疆福

正憲大夫行知中樞府事臣尹坊

西樓盛事述先休煖以貂紩飽以粥祗願光
承三聖題萬年君子享遐福

正憲大夫議政府右叅贊臣金尚集

壽域偏霑雨露恩珍頒貂綃又糜粥恭知大德
荷天休不待錫民恒百福

正憲大夫行龍驤衛副司直臣趙瑛

金貂匹綃寵便蕃賜膳乾寒魚右粥謨烈先

朝靡不承飽溫爭祝 聖人福

正憲大夫行龍驤衛副司直

臣鄭存中

惠養 先朝迄用今恩頒是日飽靡粥微臣敢

解掄揚功 聖德千秋終百福

正憲大夫知敦寧府事

臣宋齊魯

御定人瑞錄進書日聯句

并序
甲寅

人瑞錄之印進也予與元子親受于便殿蓋倣周禮
有司獻茂數於王王再拜受之之禮也凡民且然況
高年之爲三王所同尊也乎又况恩推於 殿宮而
事曠於簡策也乎是日也時維菊月戊申而予生朝

之越三日也天氣清明化景淨妍耆者臣與於校閱
者二十人各以其子孫曾玄扶將而入引翼偃僂濟
濟踴躍甚盛觀也禮既成予與元子引諸耆者臨見
之且勞而告之曰今日之禮祝慶也祈永也而敬老
貴老之義亦寓焉咨乃耆者諸老長涵仁庥同樂太
平總挈羣靈之億千萬壽祇獻我 殿宮證予若元
子俾東土為華胥為壽域也於是諸臣皆呼千歲頌
之 慈宮宣饌壽觴交舉涯顏華髮輝映樽俎而又
以其餘逮於幼少莫不歌既醉之詩頌湛露之恩及
退則簪花詵藻雅俾填街觀者嘖嘖徃徃有私自圖

繪者予謂是舉之不可無識也先拈一韻以唱之與
廷者皆廣聯之而者臣賦古體陞殿侍衛諸臣賦近
體哀成一帖命之曰人瑞聯韻詩詩曰

南極雙輝寶婺昌錫數人瑞頌重光御製

聖化普洽滄海左天眷篤斐漢水陽臣樂泰運

吾東開壽域宮陞日永含飴糖臣義上瑞春堊

張大樂野歌農夫墜舞臣大躋堂自同龜民

誠萬壽稱觥待築場臣世漱漱喜氣凝宸籙風

涸歌頌迎村坊臣爽厚臣拜呼千千歲獻壽爭

擎北斗觴臣吉此日此慶千古稀君臣同樂誦

璇章

臣著

作民壽考咸鼓舞格天

孝慈自闡

房

臣履

天遣壽星主東海夜夜光如出日暘

臣

恭鳳芝

非端人為瑞

宸翰鋪張事益彰

臣

弘

鳩筇鶴髮熙熙民抱歸華誥如奉璋

臣儒

恩荐

長欣頭戴日年多何惜肘生楊

臣允

寶甲籌

邵諸勞獻需雲筵添雨露灑

臣

文子安瞻天

日異列宿光護北辰張

臣

官耀闔門章四代

慶由

宮殿及還方

臣

得五世同居六歲見

元子宮前獻瑞苒

臣

壽造本自由

聖化蒼

斗爭斟祝無疆

臣

敢將西樓羣耆年願祝

九

重日月長

臣

今日盛舉古亦罕天佑東方歲亦

穰

臣

一室老少偏供渥儒服趨班寬禮防

魯席上屏金同賁飾域中龜鶴盡搜揚

臣

金

丹施博延年遍玉燭治成記端詳

臣

優老恩

深臨殿晚觀光誠切趨班忙

臣

晚

爭送禎祥

來不盡旁流惠澤浩無障

臣

顯

化遍朝野日方

舒頌騰簾闥風微颺

臣

敏

禮備周冕蕙三代福

凝真衫煖七袞

臣

始

願將西編無窮曆長作仙

春駐御廂

臣

肇

周平式燕恩洋溢漢帛宣頽色

縹緗

臣

龍

帛帶燈筵何煒燁軒駟載路共騰驤

臣鳳秀

編書繞院又受箋寶床咫尺列紫箱臣鶴秀

白髮寔顏卿士會髭髻何幸亦相將臣驥秀囊藏

筆墨拯恩涯紛擎珍錫喜若狂臣彭八域同慶

恩光遍一庭咸道頌聲洋溢臣瑞日青邱溢化膏

清朝黃髮醉仙漿臣大應地歡聲同設雷方秋

佳氣轉勾芒臣大協珎羞飽德榮何極縹帙傳家

慶不忘臣大頻宮燕毛真盛事康衢鮑背蔚相

望臣人人榮勳高爵秩家家恩侈老節嫌臣齊賢

靈光不老萬年春瑞氣爭繞五雲床臣齊無數

甲子同絳縣何限耄期填康莊臣止尺地祥雲

杖几登中天和旭劍佩裝臣致淵一篇奎藻雲漢

回九秋宸樞錦繡臣永定知明年來無盡但

願此宴比為常臣維城寶曆爭瞻嵩華大奇祥奚

庶羽毛翔臣良浩并錄姪姒同恩齊大孝舜文可

比伉臣明浩岐宮壽祿歌玉璫薰殿光華仰黼裳

臣樂瑶陞榮生捧函趨珍膳恩浹正席嘗臣樂

市域和氣騰歌咏勻天仙樂動鏗鏘臣祖榮堯樽

擎壤雪日爛虞廷鳴球鳥獸蹕臣錫榮及老仙醪

恩似海獻壽黃耆鬢皆霜臣東桃顏雪頂扶醉

返滿城觀者如堵臣源歡均八垓逢昭代願

切千壽祝

聖王

臣持

靈歸醅濃祈以斗瑤池

仙實獻于筐

臣基

世登泰階天所佑人多壽考

國之祥

臣基

熙皞化中流惠澤不待獲龍聖

德

臣基

九如載頌休無極蹈舞村村樂未央

臣基

化暢岐園咏魚鹿壽祝分堂饗羔羊臣宗

一筵耆英凡後人誦庭衿結共歷敷臣宅重歌

迭奏景籙新

慈化均沾恩波決臣再造恩深

底憚懽三祝誠懸

臣得

永咏播郊丘祈綿

綿德配周璋頌

臣徽

齊邱歲年躋仁壽箕

時叶吉頌康強

臣鎮

聖人歛福而養老自天

睿藻播珍芳

臣鎮

洪福紹道新

殿宮

聖恩

章治養膠庠

臣得

一千盛會逢堯舜萬億諸耆

邁漢唐

臣相

頌播難老躋仁域門闢延生近春

塘

臣曾

共將華封萬年祝欣覩周家一人良

輔優恩特許子孫扶卿月蟬貂泊星郎

臣仁

以大斗既醉飽漱澂恩醴洋一堂

臣義

呼向丹宸一時歡音動殿廊

臣初是日天晴老

人見滿闕祥霽繞畫樑

臣尚

生生活字集羣壽

拜獻瑤墀函以琅

臣祐

祥凝漢殿頌重曜慶入

周原咏千倉

臣啓

彼茁豈識

慈覆德涵育陰

功仰周姜

臣儒壽

殿上祝壽同拜稽顙毛猥隨鬚

眉蒼

臣鳳慶

魏庭賜菊霑壽酒蜀溪採杞饒仙粮

臣恩

穰穰降福日不足以興以增祝如罔臣光訓

聖朝仁恩圓八表大夫庶民咸為綱臣光謹盛恩

覃遍域內老御醞香排雨後涼

臣存中

并照 离

明臨玉筍方升祥旭繫扶桑臣文綏獻年夢老耳

斯見歛福箕疇三曰康臣世祐慶溢 宗祊膺駁

嘏風熙化域闡鴻荒

臣世祐

當筵醕酬禮意盛濟

濟羣養何健剛

臣光

繫齒五百八十萬齊獻

宮中喜無量

臣應顯

年瑞滋臻數五福天心克享

繼三皇

臣光

東朝化日祥雲洽長樂春暉壽

曜煌

臣考

七萬齡多歸震邸三千桃獻自仙鄉

臣大

四重漢代歌呈瑞二老周宴饗鼓簧臣弘

籌積萬春齊海屋謠騰八域輳梯航臣通已看

聖澤涵鴻鸞奚但高罔集鳳凰臣用一世耆俊

傳宋繪千秋契合頌周璜臣用羣沾恩賜樽仍

綠共除昌辰髮已黃臣用倬彼雲漢廣敷煥有

會元氣流澤滂臣用宛如祥麟覩為共爭引厄

眉列作行臣恒我后錫福元何由忠侔于夏

質侔商臣一從憲甲班先後各率冠童舞頡頏

臣鼎

奉丹榮訖公自召賜餼恩許受焉藏臣耿

光獲甄

香案下優渥同沾老祖傍

臣祖

華衣

及見頒彩筆

尺衣來汝降斑

臣炳

國慶今

年忻共樂家聲他日勉倍藏

臣恩

天顏有喜

爭先睹太平萬歲字中當

臣奎

進書諸臣

附子

大匡輔國崇祿大夫議政府領議政兼領

經筵弘文館藝文館春秋館觀象監事洪樂

性七十七歲

子前叅判義榮

後改

前典簿大榮

後改

從子幼學世榮

後改

孫幼學頭周童蒙

吉周者周外孫幼學金履祐

大匡輔國宗祿大夫領中樞府事蔡濟恭七

十五歲

子司僕寺正弘遠出任前承旨李儒慶

輔國宗祿大夫判中樞府事綾恩君具允明

八十四歲

子兵曹判書庠從子知敦寧府事虞幼

學廣孫昌陵恭奉悌元從孫幼學陽

元曾孫權知承文院副正字得魯從曾

孫幼學哲魯玄孫童蒙玄壽

輔國宗祿大夫行判中樞府事李命植七十
五歲

子開城府留守冕膺幼學晚膺顯膺

宗祿大夫行知中樞府事李敬輔七十八歲

子前正郎始源應教肇源孫幼學龍秀

鳳秀鶴秀童蒙驥秀彭鐵

宗祿大夫行龍驤衛司直洪億七十三歲

子沔川郡守大應兵曹正郎大協進士

大衡孫幼學疇從曾孫童蒙維城外孫

幼學朴齊顯朴齊華李止淵李致淵童

蒙李永壽

宗祿大夫守判中樞府事兼弘文館大提學

藝文館大提學知成均館事洪良浩七十一

歲

弟前叅判明浩子權知承文院副正守

樂波後改義波從子前校理樂游後改義波孫幼

學祖榮後改敬謨錫榮後改錫謨甥侄前應教鄭

東翰外孫幼學李源成

宗祿大夫行判敦寧府事金持默七十一歲

子谷山府使基厚從子幼學基胤基常
基振孫童蒙完善從孫參奉宗善

宗政大夫行龍驤衛司直趙瑛七十五歲

從子司僕僉正鎮奎幼學鎮翊孫前正
言得永幼學徹永

宗政大夫行知中樞府事邊得讓七十二歲
子幼學相岳孫童蒙曾吉

宗政大夫行議政府左叅贊洪秀輔七十二

歲

子前大司諫仁浩同副承旨義浩孫童

蒙初陽

正憲大夫行龍驤衛副司直金尚集七十二歲
子幼學裕鎮孫幼學啓永甥侄進士李
儒壽外孫童蒙朴鳳慶

正憲大夫漢城府判尹申思運七十四歲

孫幼學光訓從孫幼學光謹

正憲大夫行龍驤衛副司直鄭存中七十四

歲

子前叅奉文綏孫幼學世祐世禎甥侄

幼學李光憲

正憲大夫行龍驤衛副司直中應顯七十三歲

正憲大夫行中樞府事韓光縻七十歲

子權知承文院副正字著裕從子司僕

奇判官大裕顯陵令弘裕幼學通裕

孫幼學用錡從孫幼學用鏤用鉉用鏹

甥侄幼學尹恒鎮

資憲大夫工曹判書柳龜七十二歲

子幼學鼎養從孫宗廟署令諡外孫

童蒙李祖植金炳益李憲述李奎植

先是人瑞錄之編書也分命大臣
文蔭曾經六官之長年七十者校閱
俱是耆社諸臣而李公敏輔鄭公景
溥金公持默以蔭而與焉書既成諸
臣奉箋而進書丁公範祖及鄭公有
故未叅

見耆社圖像帖書讀語以下

領議政金致仁像

精神所注皓髮颯爽起自洛波元老之像

領敦寧洪樂性像

相以心心如像不為無助者像耶

奉朝賀趙暇像

海上之徒耶山中之宰耶安得十斗酒洗甬脰中之
磊砢耶

御定人瑞錄序

昔者周文王之治岐也養國老於膠養廢老於庠冕
而總干執爵而醕而孝弟之義達於四海然後班序
顛毛版授爵秩以著其修德之符以彰其歸仁之效
于斯時也文母壽文王壽而子孫也臣民也無不咸
與於壽矣鯢鼈盈廷鶴髮蔽野稱觥而祝君則化國

之日舒以長擊壤而歌風則治世之音安而樂至今
為千古人心之所欽豔而頌文王之治化者亦必曰
壽考作人若其一穗同穎丹書赤珪之傳所稱周家
之瑞者經不之繫見何也是知聖王之瑞在人不在
物而上天之孚佑太平之至象實未有大於壽者也
惟我家積德深仁毓慶儲祉千一嘉會貽在予後人
而今年甲寅我 慈殿聖壽儼屆五旬我 慈宮寶
齡光躋六旬廷臣請于予曰是年之於我國家瑞年
也苟可以揄揚而貢歸之者何禮之不可舉呼嵩耶
以祈壽也則賀禮可舉也奉觴所以獻壽也則宴禮

可舉也進冊所以頌壽也則上壽之禮又可舉也予
曰於休乎昌熾哉是年之於我家誠瑞年也而明年
乙卯又慈殿望六之年也慈宮周甲之年也予
小子踐阼之二十年也予何幸享天之心何天之寵
降予遐福維日不足歲歲年年夫孰非我家之瑞年
也然則今年行一慶禮明年行一慶禮循環反復秩
斯祐而無不承此子之志也宴與壽且待明年乙卯
今可舉者其賀乎乃於是年月正元日率百官進賀
于殿宮仍覃恩中外賜朝官七十士庶八十以上
及士庶未八十而偕老者爵人一級百歲以上皆超

崇政階資窮及朝官七十而偕老者加賜米綿有差
自歲初至六月京外悉以名聞前後所賜爵祿七萬
五十一百餘人而絜其遺得五百八十九萬八十二
百十歲盛矣哉未知周家之養老也其人與齒之夥
然至此乎否此真瑞也不有以騰茂實而昭德致永
垂我家邦之慶運豈稱予廣孝錫類之衷遂發凡起
例指授耆耆臣道邑以區分之士民以先後之俾隲
枯而編為一書乃命是書之名曰人瑞錄夫施於百
姓之謂治被於四方之謂化浸灌醲郁效應符章之
謂瑞治化而至於瑞固休矣而瑞而至於人瑞也則

尤其盛矣哉故循省風俗則先問高年彌綸政事則
詢茲黃髮論天下之達尊則媿於德言三王之所尚
則貴於爵以至三老於漢九老於唐而猶且詔為奇
瑞相傳之為美談况七萬餘人之並時齊壽而不謂
之瑞可乎又况薰沐於積累之流澤涵育於仁壽之
餘庥而不謂之瑞可乎予聞感覆燾之恩者願天之
彌長識厚載之德者願地之彌久仰照臨之明者願
日月之彌貞此七萬餘人者偃僂引翼紛紛顯顯其
必上祝我 殿宮於萬於千之壽 宸宮又以於千
於萬之壽錫予元子而予又奉若 慈訓大敷仁政

不惟養之必安之不惟爵之必敬之上下交修詒以
為創世世萬子孫無數則環東土數千里人人壽家
家壽煦然長春作周匝休而此書之續巧歷且不能
數於其篇首也為之序如此庸寓兆端托始之義也
夫嘗子踐阼之十有八年甲寅也

其言氣微而二十言公事也

卷之三

卷之三

卷之五

不節其欲之謂暴

耆社志卷十一目

已編二

慶賀教箋



耆社志卷十一

豐山 洪敬謨 編

已編二

慶賀教箋

昔我 太祖大王之入耆社實為千古帝王
所未有之盛節則當時同社諸臣必有記載
者而文獻無徵逮夫己亥甲子 兩聖朝入
社時儀節俱載有司之掌攷若其上告下布
補賀之文雜出於傳記且 親臨宴衍出於
特恩則與宴者亦具箋而謝以識恩榮諸文

字之關係於耆社豈徒如汗漫詩文乎並彙而錄編下附耆臣之謝箋以資日後之考

肅宗大王入耆社

宗廟告由祭文

肅宗四十五年己亥閏

英宗大王入耆社

宗廟告由祭文

英宗二十年甲子

維聖有言大德必壽其應靡忒於穆

先后皇皇

聖祖翼翼

寧考並躋耳順寔膺遐報有赫耆社先

後盛事和樂一堂同我臣子西樓靈閣

御墨煌煌

于千萬歲共垂休光眇予小子猥受艱大蚤夜祗慄

惟懼不逮屢經憂戚神精已衰踰五望六曾非所期

豈道涼德

先庥攸慶故事是據宗臣有請懿蹟難

泯羣情難啐矧奉 東朝事尤稀濶勉循廷議將舉
解儀匪曰式似尚或近之豈敢張大 祖考攸行延
題耆軸無替舊章緬憶昔年躬覩盛舉宛若隔晨彌
增愴緒茲消吉日敢申虔告庶垂昭格益降冥佑

知製教尹汲製進

肅宗大王入耆社頒教文

肅宗四十五年己亥

王若曰國家靈長之業式至今休人君耆壽之稱粵
有先軌斯舉曠典庸告多方永言眇躬叨承丕緒寶
曆已過四紀實前史之所稀遐笑又迫六旬非始望
之攸及非曰降年于我自幸受祿於天惟我 太祖

之御邦誕膺永命暨厥耆臣而同社傳為美譚君從
耳順臣從稀年既等威之有截賁以手翰申以嘉錫
亦寵禮之非常孰云屈尊之小嫌寔出敬老之盛意
顧予年殆周花甲視當日只差一齡而列祖已行
之規展也後嗣之懿則抑宣廟未伸之志宜乎今
日之廷成然文獻之莫詳故疑信之未決尚賴一二
臣紀實之作有足參徵是以三百年希觀之儀快計
再舉竭誠陳懇世子伸愛日之情累章齊聲宗親遂
回天之願遵先之義由今益彰尚齒之風自此復見
四方均忭百僚交欣良由宗社之靈默佑於上豈

緣寡昧之德克配于前聿修明禋假 太廟而虔告
肇稱經禮發大號而誕敷茲當同慶之辰特推蕩垢
之政云云於戲上下所貴同樂惠澤必尚普覃億萬
年無疆奚止一人之有慶九五福曰壽永期八域之
共躋

大提學金樛製進

英宗大王入耆社頒教文

英宗二十年甲子

王若曰壽域覃化自天降禧靈閣婉休與民同慶盖
欲追於 先武非敢事乎彌文念予眇末之姿叨承
靈長之業宵旰徒勤於二紀有何仁壽之躋民春秋

強半於百齡居然容顏之非昔撫流年而反顧感
先朝之遺規昔太祖維祺降而比耆社諸彥而
寧考克紹傳之為昭代美譚寶帖相承厥或在五六
旬以後緡儀甚曠厯再見三百年之中惟前乘所稀
有焉顧小子何敢望也讀西樓留筆之記欣然慕之
想東宮題牒之時別有感者宗宰之疏上而言則援
古廷臣之請勤而勗以遵先耆齡差欠於數籌雖云
望六則一寡德實慚於前烈敢期配二為三然茲事
不必過謙矧僉議終難強拂穆陵之晚年遺志尚
激予衷宋賢之中歲耆英厥有故事瓊編寶墨尚想

天日之餘輝靈杖萊衣有味搢紳之舊詠肆 真殿
之先謁迺壽帖之繼書中間險艱之備嘗豈始願之
及此前後休慶之相襲庶舊命之維新稱壽觴而奉
歡誠展愛日撫髫几而興愴恍如隔晨告 七廟而
修明禋載五禮而垂後則殷三宗歷年最久盖由寅
畏而嚴恭箕五福歛時用敷宜勉平蕩而正直雖衛
公及耄之日尚勤交儆之功况孔聖知命之年敢有
吾衰之歎庶幾一心圖理嘉與四方同歡既渙號於
大庭仍解澤於西域云云於戲瞻貳極之在側庸申
與齡之休暨羣老而式教深望乞言之義

藝文館提學李宗城製進

八耆社

王世子賀箋

肅宗朝
四十五年

王世子臣諱恭遇康熙五十八年二月十二日我

聖上寶籌靈長幾及六旬延繼太祖康獻大王故

事八於耆老所縟儀斯舉羣情胥悅實是前古所無

之大慶臣不勝慶忭之至謹奉箋稱賀者臣諱誠歡

誠忭稽首稽首上言伏以寶籌亨長方仰聖化之

益聞縟儀夬舉聿覩祖典之增光愛日誠深齊天

賀聳恭惟顯義光倫睿聖英烈主上殿下大德必

壽赫業無疆享年已及六旬太祖之後始有綿曆

亦過四紀國朝以來所無今茲耆社之脩衆實是
先王之遺軌敬老尚齒寧存降屈之嫌匹美齊休克
彰繼述之懿何幸曠世之慶獲伸籲閭之誠伏念臣
媿比重暉忝居貳極三朝問寢承內豎之曰安千歲
呼嵩暨外廷而同忭臣無任望天仰聖激切屏營
之至謹奉箋稱賀以聞

入耆社耆社諸臣賀箋

肅宗朝
四十五年

大匡輔國宗祿大夫領中樞府事臣李濡大匡輔國
宗祿大夫議政府領議政兼領經筵弘文館藝文
館春秋館觀象監事世子師臣金昌集大匡輔國

宗祿大夫行判中樞府事臣金字杭輔國崇祿大夫
行知中樞府事臣黃欽崇祿大夫行知中樞府事臣
姜覲正憲大夫行龍驤衛司直臣洪萬朝正憲大夫
行義興衛副司直臣李善溥正憲大夫行司憲府大
司憲臣鄭濬正憲大夫議政府右叅贊臣申鉉等恭
遇康熙五十八年二月十二日惟天惟祖宗眷佑
我聖躬錫以無疆之壽六旬載屆克遵故事親
八耆社茲誠太祖大王以後所未有之大慶臣等
忝居耆老之列獲觀曠世之舉不勝歡忭頌祝之忱
謹奉箋稱賀者臣濡等誠惶誠恐稽首稽首上言伏

以龜疇歛福旣敷錫於庶民鳳曆叶期遂降屈於耆
社事曠千古歡均一邦恭惟 顯義光倫睿聖英烈
主上殿下敬天之休與人同樂遵先王之尚齒洪化
是推夢上帝之予齡大德必壽昔當 聖祖之耳順
乃有私牒之手題至今三百年猶記西樓之留蹟傳
序十八世復見南極之呈祥肆循志喜之羣情亟舉
趾義之盛典伏念臣等跡廁槐棘景昊素榆依日月
之末光寧數洛陽之會祝岡陵之遐籌敢效華封之
誠臣等無任望天仰 聖激切屏營之至謹奉箋稱
賀以聞

八耆社百官賀箋

肅宗朝
四十五年

大匡輔國崇祿大夫議政府領議政爲領 經筵弘

文館藝文館春秋館觀象監事 世子師臣金昌集

等恭遇康熙五十八年二月十二日我 聖上寶壽

靈長幾及六旬延繼 太祖康獻大王故事八於耆

老所綽儀斯舉羣情胥悅實是前古所無之大慶臣

不勝慶忭之至謹奉箋稱賀者臣昌集等誠歡誠忭

稽首稽首上言伏以控喜色於 宸居茂膺遐壽標

盛舉於耆所適延 先朝慶罕編乘歡均跋躋恭惟

顯義光倫睿聖英烈主上殿下澤厚滲漉運撫靈長

騰仁聲於祝堯享有五福徵夢齡於錫武垂及六旬
茲循 康獻大王遺規特與壽耆諸臣同社上下胥
樂雖俯就其何傷 祖孫齊休爭仰觀之為快猗歎
億兆人同辭之頌展也三百年再覩之儀伏念臣等
忝在周行昕霑大化詠詩人不騫之什千歲為春誦
箕範用錫之言八域同慶臣等無任望天仰 聖激
切屏營之至謹奉箋稱賀以聞

耆社諸臣謝

臨宴箋

肅宗朝
五十四年

大匡輔國崇祿大夫領中樞府事臣李濡大匡輔國
崇祿大夫議政府領議政兼**同議政**弘文館藝文館

春秋館觀象監事

世子師臣金昌集大匡輔國宗

祿大夫行判中樞府事臣金宇杭輔國宗祿大夫行

知中樞府事臣黃欽宗祿大夫行知中樞府事臣姜

覲正憲大夫行龍驤衛司直臣洪萬朝正憲大夫行

義興衛副司直臣李善溥正憲大夫漢城府判尹臣

鄭澔正憲大夫議政府右叅贊臣申鉉資憲大夫知

中樞府事臣任陞等恭遇康熙五十八年四月十八

日我 聖上仰遵 聖祖之故事俯八耆社乃於靜

攝之中 親臨景賢堂賜宴耆老諸臣此實優老之

盛典曠世之異數臣等不勝兢惶感激之忱謹奉箋

稱謝者

臣

濡等誠惶誠恐稽首稽首上言伏以耆司

陪牒幸依壽曜之暉便殿開筵猥沐需雲之澤一堂
同樂千古殊恩伏念臣等誠切華封迹忝洛社憐衰
境之耄及虛負鴻私慶威節之躬逢倍增鰲抃纔允
進爵之請先侈式宴之儀璀璨金盃荷前席之珍賜
鏗鏘仙樂說私會之榮光何階報酬相顧感泣茲蓋
伏遇 顯義光倫睿聖英烈主上殿下禮饗法禹善
養師文德洽生成歆五福而敷錫功均覆幬圓万物
而咸和遂令鮐背之諸臣亦蒙魚藻之異渥臣等敢
不平生今日無死須臾嘉興共休競獻岡陵之祝庶

幾無疾欣聞管籥之音臣等無任望天仰聖激切
屏營之至謹奉箋稱謝以聞

耆社諸臣謝錫宴箋

肅宗十七年辛未

大匡輔國宗祿大夫議政府領議政兼領經筵弘

文館藝文館春秋館觀象監掌事世子師臣權大運

大匡輔國宗祿大夫議政府左議政兼領經筵監

春秋館事世子傳臣睦來善輔國宗祿大夫行知

中樞府事臣李觀徵宗祿大夫行龍驤衛副司直臣

金守亨宗祿大夫行龍驤衛副護軍臣吳挺緯從二

品并七十以上宰臣嘉善大夫同知敦寧府事臣權

說嘉善大夫工曹叅判臣鄭樸嘉善大夫漢城府右

尹臣金憲等恭遇康熙三十年九月初六日 命內

外宣醞一等賜樂於耆老所堂上及年七十以上從

二品諸臣此乃優老之盛典曠世之異數臣等忝列

公卿無所裨補徒以犬馬之齒均雨露之澤不勝

兢惶感激之忱謹奉箋稱謝者臣大運等誠惶誠恐

稽首稽首伏以白首殘骸久叨優老之寵黃封法醞

更霑賚汝之榮一座同懽千載異數伏念臣等俱以

世祿猥承國恩茅茹彙征際期運之回轅桑榆景晚

歎精神之消亡幸得聯步於耆司濫荷尚齒之舊典

尊非三達安有典刑之補禮絕百僚徒煩患養之厚
愚衷方悞於盈滿殊錫忽侈於謙教歔歔宮壺宣內
外之音味鏗鏘仙樂陳上下之雅音孰不戴於戴欣
是謂既飽既醉雲觀消日近重陽之令辰春曹講儀
修屢朝之曠制頂踵皆歸於造化肺腑深蒙於恩
私茲蓋伏遇主上殿下善養西伯聖作東方推
老老之仁惠及羣婦敦親親之誼禮接宗英遂令羣
盜輩被洪涯臣等敢不須臾無死感激平生漏盡鍾
鳴愧衰喘之未退天長地久祝聖筭於並濟臣等
無任望天仰聖激切屏營之至謹奉箋稱謝以聞

八耆社後王世子賀箋

英宗朝
二十年

世子臣諱恭遇乾隆九年九月初十日我聖上寶

曆靈長已望六旬追繼太祖肅宗兩朝故事八

於耆社緝儀斯舉羣情胥悅實是國家莫大之慶臣
不勝慶忭之至謹奉箋補賀者臣諱誠歡誠忭稽首
稽首上言伏以壽居五福之先皇穹降隲名列二

聖之次靈閣增輝禮曠古今歡均上下恭惟至行

純德英謨毅烈主上殿下廿載宵旰一念淵冰德懋

無三藐乎太平之有象齡逾半百猗歟景祿之無疆

仰體東朝之慈心追繼西樓之故事先列祖祈

天之命慶關宗祊仲小子愛日之誠喜及卿士茲於
耆司隨駕之後敢效所庭晉賀之忱伏念臣時際泰
來位忝禹照率簪紳而齊忭八域與同奉几杖而周
旋萬世其永臣無任望天仰 聖激切屏營之至謹
奉箋稱賀以聞

八耆社耆社諸臣賀箋

英宗朝
二十年

大匡輔國崇祿大夫領中樞府事致仕奉朝賀臣李
宜顯輔國崇祿大夫行知中樞府事臣申思詰崇祿
大夫行龍驤衛副司直臣尹陽來正憲大夫知中樞
府事臣李震箕正憲大夫知中樞府事臣鄭壽期正

憲大夫工曹判書臣李聖龍正憲大夫行龍驤衛副

司直臣趙遠命等恭遇乾隆九年九月初九日惟天

惟祖宗眷佑我聖躬錫以無疆之壽聖籌望

六親八耆社茲誠太祖大王以後再有之大慶臣

等忝居耆老之列獲覩曠世之舉不勝歡忭頌祝之

忱謹奉箋稱賀者臣宜顯等誠惶誠恐稽首稽首上

言伏以洪範九五福壽居一方仰寶曆之遐綿我朝

四百年禮成三章見耆司之親屈匹休兩聖均歡

八方恭惟至行純德英謨毅烈主上殿下運撫靈

長孝光繼述慈闈奉三朝之養推先王及老之

恩 睿籌望六旬之期膺上天錫齡之眷肆允羣下
八社之請獲覲 至尊在駕之儀拊舊蹟於題樓實
喜齊美於古追徽軌於寫帖可見同揆於前式遵
祖宗朝已行之規咸頌帝王家稀有之慶伏念臣等
班聯槐棘景迫素榆洛社耆筵在古人尚詫勝事華
封聖祝況小臣親逢盛休臣等無任望天仰 聖激
切屏營之至謹奉箋稱賀以聞

八耆社百官賀箋

大匡輔國崇祿大夫議政府領議政兼領 經筵弘
文館藝文館春秋館觀象監事 世子師臣 金在魯

等恭遇乾隆九年九月初十日我 聖上寶曆靈長

已望六旬追繼 太祖 肅宗兩朝故事八於耆社

綈儀斯舉羣情胥悅實是國家莫大之慶臣等不勝

慶忭之至謹奉箋稱賀者臣在魯等誠歡誠忭稽首

稽首上言伏以衍遐籌於 寶齡誕膺新命煥 御

帖於耆社適循舊章光繼 兩朝慶均八域恭惟

至行純德英謨毅烈主上殿下五福建極一德配天

撫綏惟艱越廿歲而惕厲受祿無爽望六旬而康寧

茲遵 肅考八壽閣之盛休實倣 聖祖題西樓之

故事 至尊俯屈於尚齒冰可巽謙孝思亶出於紹

先豈近豐豫矧今奉歡於長樂蓋亦靡觀於建編伏
念臣等忝居具僚幸際熙運如日如月昌足稱於揄
揚宜民宜人願自效於規祝臣無任望天仰聖激
切屏營之至謹奉箋稱賀以聞

耆社諸臣謝

臨宴箋

二十一年
英宗朝

大匡輔國崇祿大夫領中樞府事致仕奉朝賀臣李
宜顯輔國崇祿大夫行知中樞府事臣申思詰崇祿
大夫行龍驤衛副司直臣尹陽來正憲大夫知中樞
府事臣李震箕正憲大夫知中樞府事臣鄭壽期正
憲大夫工曹判書臣李聖龍正憲大夫行龍驤衛副

司直臣趙遠命資憲大夫刑曹判書臣趙錫命等恭
遇乾隆九年十月初七日我聖上仰遵故事俯八
耆社乃於進爵之日又命耆老諸臣宴于本所此
實曠世之異數優老之盛典臣等不勝兢惶感激之
忱謹奉箋稱謝者臣耳顯等誠惶誠恐稽首稽首上
言伏以法殿陪筵方效日升之祝耆司錫宴猥霑雲
需之恩盛事同前殊榮曠古伏念臣等澤被文養誠
切堯封俱過七十歲休致之期報答無望親逢四百
載稀異之慶欣忭有加茲當輟譟於宸樓仍命設
會於英社金壺在案恍惚先朝之賜玉仙樂擁進

更感御厨之分膳白首相說青史所無茲蓋伏遇

至行純德英謨毅烈主上殿下敬天之休與人同樂

南極膺瑞基福履於一仁東朝奉歡推德意於萬

品遂令及耄之賤亦叨以教之榮臣等敢不身沐鴻

私口誦魚藻幸際今日豈詠歌舞蹈而止哉各獻其

年惟岡陵松柏之禱耳臣等無任望天仰聖激切

屏營之至謹奉箋稱謝以聞

耆社考績日賜詩宣醢謝箋

正宗十七年癸丑

大匡輔國崇祿大夫議政府領議政兼領經筵弘

文館藝文館春秋館觀象監事臣洪樂性大匡輔

國崇祿大夫領中樞府事臣蔡濟恭輔國崇祿大夫
綾恩君臣具允明崇祿大夫行水原府留守臣李命
植崇祿大夫行龍驤衛司直臣洪良浩崇祿大夫行
龍驤衛司直臣洪億崇政大夫判敦寧府事臣任希
曾正憲大夫行龍驤衛司直臣趙瑛正憲大夫行知
中樞府事臣尹坊崇政大夫行知中樞府事臣邊得
讓崇政大夫行議政府左叅贊臣洪秀輔正憲大夫
議政府右叅贊臣金尚集正憲大夫行龍驤衛副司
直臣鄭存中正憲大夫知敦寧府事臣宋濟魯等恭
遇乾隆五十八年癸丑十二月十二日伏蒙我 聖

上當春司考績之日賜諸臣煖飽之需 天章昭回
法樂鏗鏘至若貂參之寵錫尤出惠養之隆恩事先
簡丹榮動簪紳臣等拜稽祗受不勝感激敢將獻年
之忱仰贊歛福之休臣樂性等誠惶誠恐稽首稽首
上言伏以彤庭祝嘏景運隨暖律而載回靈閣宣醞
天章偕法樂而並降寵光洋溢恩錫便蕃伏念臣等
裁成大甄生老壽域致身躋槐棘之列愧忝齒爵之
義稱題名依日月之光至登繪畫之盛事屬茲春司
攷殿最之日遽蒙 重宸賜溫飽之恩皓髮癯容方
肆序齒之席黃封細綃忽侈燕毛之需 宸章輝煌

仰昭光於雲漢仙籥悠揚動雅音於句天紫紹出尚

方之珍既賜煖老之具靈極分內院之劑亦軫扶衰

之資猗聖眷既篤於高年而殊典實體於昔日追

前癸賜粥之寵蓋倣祝鯁噎之規迓來寅補觴之休

先推惠鮐背之渥醉以飽矣溢和氣於淪肌安且燠

兮排大寒於挾纊頌萬壽如岡之祿爭仰自天而申

體三聖八社之期相與計年而待茲蓋伏遇主

上殿下政懋推孝化成作人承寧考臨五紀之治

羣黎多壽法周王養庶老之禮一國興仁遂令特粥

之賤姿並蒙授衣之洪渥臣等敢不涵濡湛露衣被

恩光効華封祝聖之誠競騰壽富男之頌值攝提起
歲之運冀享萬八千之齡瞻尺衣而願添扶桑之絲
撫犬髮而齊獻麥邱之壽臣等無任望天仰聖激
切屏營之至謹奉箋稱謝以聞

大提學洪良浩製

進御定人瑞錄箋

正宗十
九年甲寅

大匡輔國崇祿大夫議政府領議政兼領經筵弘

文館藝文館春秋館觀象監事臣洪樂性大匡輔國

崇祿大夫領中樞府事臣蔡濟恭輔國崇祿大夫行

判中樞府事綾恩君臣具允明輔國崇祿大夫行判

中樞府事臣李命植崇祿大夫行知中樞府事臣李

敏輔崇祿大夫行龍驤衛司直臣洪楹崇祿大夫守

判中樞府事兼弘文館大提學藝文館大提學知成

均館事臣洪良浩崇祿大夫行判殿中府事臣金持

默崇政大夫行龍驤衛司直臣趙瑛崇政大夫行知

中樞府事臣邊得讓崇政大夫行議政府左參贊臣

洪秀輔正憲大夫行龍驤衛副司直臣金尚集正憲

大夫漢城府判尹臣申思運正憲大夫行龍驤衛副

司直臣鄭存中正憲大夫行龍驤衛副司直臣申應

顯正憲大夫行知中樞府事臣韓光榮資憲大夫工

曹判書

臣

柳巖等恭遇乾隆五十九年甲寅九月二

十四日當

殿宴寶壽之頒高推朝野尊年之洪恩

宸章昭回簡冊輝映敢效獻年之忱載揚錫福之化

臣

樂性等誠惶誠恐稽首稽首上言伏以天用中無

彊惟休幸除飾而慶之會孝不匱永錫爾類敢進集

羣齡之薰不曰瑞乎於斯歲矣恭惟

主上殿下孝

準四海養極三朝愉愉奉

殿宮之歡願春暉之長

繫洞洞謹晨昏之省喜壽曜之頒高幸當攝提格之

載回幸觀五六旬之齊節

東朝之瑞煦方永誕躋

知命之祺

北堂之寶壽益隆儼近周甲之慶倚周

家頌文母之德允宜萬壽之必膺在漢代奉長樂之
觴未聞兩宮之并獻迺於瑞年之元日爰紆匝域之
覃恩凡係七十八十暨百齡間多偕老之類母論有
官無官加一級或施賜帛之章計其人則七萬千有
餘於古亦如是若撫厥壽為五十億以上更僕不能
數焉歌於巷并於衢宛是畫象之光景立于朝耕于
野太半地上之神仙可驗壽考之作人實為王國之
上瑞蓋其至化之旁造陶一世於華胥伊耆奚啻奇
祥之爭來此諸山之白環銀甕家家扶老若景星卿
雲爭先覩之邑邑戴恩雖婦人孺子皆謂祥也肆

宸念特輅於飾喜而盛事倬彰於纂書彰國家之洪
休仰答皇天之眷佑體文王之善養遍錄朝野之期
順摩錫嘉名斯往牒所未聞者証揭奎藻而興國必
有祥乎茲將一部之新編仰備九陛之 睿覽頌萬
年錫難老咸仰 聖孝之益光歟五福敷庶民實由
慈化之普被寶婺增彩爭看海屋添籌之祥前星重
輝新效麥丘獻年之願伏念 臣等生老壽域遭遇昌
辰時萬時億遠邁地官獻民數之規多壽多男竊附
華封祝聖人之悃 臣等無任歡喜欣祝之至謹以新
編印 御定人瑞錄四卷隨箋奉進以聞

大提學洪良浩製

耆社諸臣謝

親臨宣醕箋

純宗十一年辛未

大匡輔國崇祿大夫議政府右議政兼領

經筵監

春秋館事臣金思穆崇祿大夫判敦寧府事臣趙尚

鎮崇政大夫行議政府左參贊臣吳載紹崇政大夫

行議政府右參贊臣洪明浩等恭遇嘉慶十六年辛

未七月初一日伏蒙我

聖上特命耆老諸臣引接

于資政殿饗以御厨之珍膳侑以白天之希音此實

曠世之異數優老之盛典臣思穆等不勝相告欣欣

欽頌感祝之至臣思穆等誠惶誠恐稽首稽首上言

伏以耆社陪牒幸霑壽曜之輝法殿開筵猥沐需雲
之澤白首相訖青史所稀伏念臣等景迫桑榆班聯
槐棘稱山海之遐壽粗效華封人祝聖之誠依日月
之末光敢擬宋洛陽耆英之會茲承丹宸晉接之命
特侈黃封燕敖之恩璀璨金盃荷前席之珍賜鏗鏘
仙樂說一堂之榮光拜獻南山恭瞻北極茲蓋伏遇
主上殿下禮饗法禹善養師文德洽生成歛五福而
敷錫功均覆幬圓萬物而咸和遂令鮒膺諸臣亦蒙
魚藻異渥臣等敢不既醉以德仰酬洪私各獻其年
惟岡陵松柏之祝耳以永令夕豈歌詠蹈舞而止哉

臣等無任望天仰 聖激切屏營之至謹奉箋稱謝
以聞





